

律

大唐開元占經卷第六十一

北方七宿占二

南斗占一

石氏曰南斗六星二十六度四分度之一

甘氏同洪

范占二十二度淮南子無四分之一

度距魁第四

星先至去北極百一十六度

在黃道外二度半舊

春歷有四分度之一在斗度中後推扶知度少為多

今曆不三百四分度之一七十五在營室一度之

未春夏為水秋冬為金

巫咸釋五星

入宿吉占

曰斗木星也日月五星常貫之為中通吳之分野
黃帝占曰南斗一名鉄鉞

春秋佐助期曰南斗主爵祿神名快膽姓拒終

石氏曰南斗魁第一星主吳第二星主會稽第三星
主丹陽第四星主豫章第五星主廬江第六星主

九江

郗萌曰南斗六星一名天庫知之使人不妄

北官候曰南斗一名天府一名天關一名天機一名
天同天子旗也斗北二星天之府廷中央二星相

也南二星天庫也天梁也斗西大星天關也天子
正旗也土官也六星欲均明天下安寧

韓揚曰南斗第一星上將第二星相第三星妃第四
星太子第五星第六星天子

荊州曰南斗大宰位也

聖洽符曰南斗者天子之廟主紀天子壽命之期
甘氏曰南斗司天子壽命之算也故曰將有天下之
事占于南斗也

二十八宿山經曰斗山在吳揚美山南斗星之神常

居其上

甘氏曰南斗主兵斗動者兵起也南斗星明有大爵
祿行天下安寧將相同心其星不明大小失次芒
角動搖則王者失政天下多憂

郝萌曰南斗星明五穀大熟其臣得勢治道和平風
雨順時斗星不明五谷不收移徙位直其臣遂風
雨不節天下病災

石氏讚曰斗主爵祿哀賢達士故曰直建星以成輔
又曰斗主爵祿功得吉祥歲周受分和陰陽

牽牛 二

石氏曰牽牛六星八度

古九度 度距中央大星先至

去極百一十度

在黃道內四度太

春夏為木秋冬

為火

巫咸曰大星也

日月五星常貫牽牛中道也

吳之分野

佐助期曰牽牛主閔梁神名略緒熾姓蠲除

北官候曰牽牛一名天鼓一名天閔牛第一兩星如

連季名即路一名聚火

石氏曰牽牛六星天府也日月七政所王者即察政

視牛星明大次第相承王道大昌天下安寧牛星不明其常色其歲五穀不成牛多災凶

甘氏曰牽牛上二星主道路次南一星主閼梁次南三星主南越故動搖变色從而占之

郝萌曰天鼓星怒者馬貴

天官書曰牽牛為犧牲

宋均曰牽牛為牛角

月食占曰牽牛為冬獄

二十八宿山經曰牛山與女山相連各法其星形牽

牛須女星神常居其上

黃帝占曰牽牛大星亡大牛死小星亡小牛疫死中

央大星不明而黃者天下芻大貴十倍

牽牛星直糴平曲則糴貴牛中央大星左右出不

出者大將心不正牛大貴後星前近中央大星者

牛貴遠牛賤前星左右出者前將心不正後星左

右出者後將心不正所謂前者星南星也後者星

北星也牽牛不與織女星直者天下陰陽不和

黃帝曰牽牛遠漢者天下牛大貴其入漢中者天下

牛多死

甘氏曰牽牛動為牛災四方皆然

郝萌曰牽牛明大閔梁通利牽牛主大豆始出色黃

豆賤赤豆虫也色青豆貴

荊州曰牽牛後星前近中央星者諸侯以四足虫為

斡色青道痛色黑死不至 牽牛星明牛貴細微

不明牛賤

石氏曰牽牛生於列澤之色以主越國為府廷

百二十占曰將有犧牲之事占於牽牛

石氏曰牽牛主閔梁七政始放置九坎以通水道

又曰牽牛險阻主閔梁中星高下牛多疾殃

須女三

石氏曰須女四星十二度

古十度

度距西南第一星

先至去極百六度

在黃道內八度

春夏為水秋冬

為火

巫氏占曰須女水星須女南九尺畏中道越之分野

佐助期曰須女主布帛名色舒姓終藥時

北官候曰須女一名天少府一名天女一名婺女一

名臨官女

聖治符須女者主嫁娶之婦女也

巫咸曰須女天女也天府天市斗也

郝萌曰須女主麻其色白者麻為色黃不為色青麻

蚤

黃帝曰須女星欲明則士女有緒國富民殷

郝萌曰須女星明大則女工昌不明則法令易詩書

滅絕

玄冥曰須女星明天下大豐女工有儲國克富星不

明天下虛藏不足

甘氏曰須女動則嫁娶繁盛將有嫁娶占於須女

石氏讚曰須女主布帛裁置之故置離珠為藏府

又曰須女珍玩寶物所藏故主布帛奉給主

虛 四

石氏曰虛二星十度

古十四度

度距南星先至去極

一百四度

在黃道內八度

春夏為水秋冬為金

巫咸曰虛金星也虛南九尺是中道齊之分野

佐助期曰虛危為礼堂虛神名開陽

聖治符曰虛危天蓋也

孝經內記曰虛府廷也

北官候曰虛主哭泣諒闇之事一名天軍市一名臨

宮一名天府一名鄉中黃鍾宮也一名兌宮一名

申宮

郝萌曰虛者生於牛山之中以為齊國府廷

爾雅曰北陸虛也

注曰北陸星名也

一名天府主邑

居主廟堂主祭祀主祭禱之事

甘氏曰虛主喪事動則有喪

黃帝曰虛二星主墳墓冢宰之官十一月萬物盡終

北虛星主之故虛星主死喪

郝萌曰虛危并為一体主觴客之事中有六星不欲

明見若明見則神龜用事將有哭泣之事則占於

虛

二十八宿山經曰虛山危山相連在齊臣首山中坐

虛危星神常居其上

郝萌曰虛星動搖有井田之法虛星不明天下大旱

荆州曰虛危中有六星不欲明見若明見則有大喪

近期一年中期二年遠期三年

危星五星

石氏曰危三星墳墓四星十七度

古九度 度距西南

星先至去極九十九度

在黃道內九度太 春夏為

水秋冬為火

巫氏曰危土星也危南九尺是中道齊之分野

佐助期曰虛危為礼堂神名推長姓呂賈主

北官候曰危一名天府一名天市

巫氏曰危為百姓市又為架構

黃帝占曰危主廟堂上視危星以主室又主柱主蓋

屋以成帝宮以教天下其星明則天下安寧

甘氏曰危主架屋星動則有架屋之事

郝萌曰危星動搖移徙天下謀作不解其星不明客

有誅者

玄冥占曰危星動搖不明天子作宮殿民有土工事

石氏曰虛危主廟堂祀考妣故置墳墓識先祖

虛危五星為祠堂墳墓四星為祠祀之事

郝萌曰危為發屋之事為蓋屋將有蓋屋之事則占

於危

石氏曰墳墓四星主悲諒也

六室

石氏曰營室二星離宮六星十六度

古二十度 度距

南星先至去極八十五度

在黃道內十八度半 春

夏為木秋冬為土

巫氏曰營室木星也室南九尺是中道衛之分野

佐助期曰營室主軍市之粮神名玄耀登姓婁方

皇甫謐曰年曆營室一名休官

地軸占曰營室一名輓綸

北官候曰營室一名玄冥一名天官大人之宮也

郝萌曰營室西壁也

爾雅曰營室為之定 郭璞曰定正也

巫咸曰營室為天庫

宋均曰營室為舌俞角

天官書曰營室為清廟

廣雅曰營室曰豕

聖洽符曰營室主七天子廟又曰攝提宮府廷也

二十八宿山經曰營室山在城山東南與東壁山相連室壁星神常居其上

黃帝占曰營室二星主軍糧離宮六星主隱藏營室三軍所立外有羽林以衛帝其星欲明明則國昌動搖則兵出

甘氏曰營室動則有功事

郝萌曰離宮一星不具憂子

又曰營室一星小不明禱祀不實鬼神不享一曰國家多疾

郝萌曰將有土功之事則占於營室

又曰營室二星亡則輔臣病死

營室東壁四星四輔也欲其正中有二星二舍也欲其實正猶方實其傍多小星也

荊州曰四輔不正則輔臣不忠越取賣權二舍不實則宮女淫亂出入不常適媵相踰忌不悉御後宮女怨曠去心

荊州曰離宮者天子之別宮也主隱藏上忌之所也石氏讚曰營室主軍糧以廩士故置羽林省道理

又曰營室二星主軍糧

東壁

石氏曰東壁二星九度

古十五度

度距南星先至去

極八十六度

在黃內十二度半

春夏為金秋冬為

水

巫咸曰東壁土星也東壁南九尺謂中道衛之分野

佐助期曰東壁主文章神名瞻土姓刑孫王

北官候曰東壁一名天池一名天術

巫氏曰東壁為天梁

孝經章句曰東壁市也又曰天市

聖治符曰東壁主土功之事

黃帝占曰東壁失色大小不同則王者號武經士不

用圖書隱藏天下咸愚

甘氏曰東壁主土星動則土工事興東壁星明大王

者明道術大興國有君子

郝萌曰東壁離徙作治田就聚以田宅為憂一日將

有土功之事占于東壁

石氏曰東壁主文章圖書之府故置壘壁以衛後

石氏讚曰東壁主文章萬物犯壁本鄉

洪範傳曰北方七宿九十九度今九十八度四分度

之一

大唐開元占經卷第六十一終

大唐開元占經卷第六十二

西方七宿占三

奎

石氏曰奎十六星十六度

古十二度

度距西南大星

先至去極七十度

在黃道內十四度少

春夏為金

秋冬為水

巫咸曰奎金星也奎南九尺是中道魯之分野

佐助期曰奎主武庫兵神名列常姓均劉方

西官候曰奎一名天庫一名天邊偏將軍武庫軍庫

也奎者天之玄官也又主溝瀆陂池江河之事也
其水榆也其物牛舠草類奎金星也

天官書曰奎一名封豕一名天豕
詩緯曰奎為女令

聖洽符曰奎者溝瀆也

孝經章句曰奎者府廷也

巫氏曰奎為天庫又曰奎婁春獄

邠萌曰將有溝瀆之事則占於奎其西南大星所謂
天豕日者也帝曰大將故欲其明也

玄冥占曰奎大星大將軍其欲明而行則兩頭免近
河以候水芒角動搖進退國必用兵或曰有赦令
二十八宿山經曰奎山婁山相連奎婁星神常居其

上

黃帝曰奎星芒角動搖國必有兵不出年中
河圖曰帝遙失政不平則奎有兵

文曜鉤曰奎星直期九年主執天下無文法兵官崇
甘氏曰奎星動有溝瀆之事

邠萌曰奎頭大星色黃忽然不明者將軍也五星非

其故占王也

荆州曰奎中星明者大水出

石氏讚曰奎主軍兵禁不時故置將軍以領之又曰

奎主庫兵秉統則政功以成

婁 二

石氏曰婁三星十二度

古十五度

度距中央星先至

去極八十度

在黃道內十二度

春夏為水秋冬為

火

巫咸曰婁水星婁南九尺是中道魯之分野

佐助期曰婁主苑牧神名及方姓台衛

黃帝曰婁主宗廟五祀一名天府郊太牢也

西官候曰婁一名密官一名国市一名天廟庫婁者

天獨祿車也主為聚之事其木桂也其物鉛錫銀

黃金石

聖玲符曰婁者聚眾也

孝經章句曰婁十也

巫氏曰婁為天獄

郝萌曰有聚眾之事則占於婁

海中占曰姜星動有聚眾之事又曰天子孝則姜星
明大天下太平

翊萌曰姜星直有執上之命者就聚國大不安一曰
星明大則賦歛時

玄冥占曰姜星明則王者郊祀天享之天子明臣子
多忠孝王者多子孫天下和平姜不明大小失色
不修五祀

石氏讚曰姜主苑牧及享祀故置天倉以養之
又曰姜主苑牧并掩歛蓋藏須春榮

胃三

石氏曰胃三星十四度 古十一度 度距西南星先至

去極七十二度 在黃道十二度 春夏為木秋冬為

水

巫咸曰金星胃南九尺是中道趙之分野

淮南洪範傳曰魏分

佐助期曰胃主廩倉神名稽覽姓斫骨白

西官候曰胃一名天中府一名密宮有兵為喪金星
也

聖治符曰胃者倉廩也

孝經章句曰胃者庫也

天官書曰胃者天庫

百二十占曰胃為天府藏也

郁萌曰將有倉困之事占於胃

二十八宿山經曰胃山昂山東與畢山相連在趙常

中央其山最高大胃昂畢之神當居其上

甘氏曰胃動有榆運之事胃星明王者郊天得福天

下和平星不明大小失位

海中占曰胃星明大王者須祀則壽命長子孫昌

郁萌曰胃星明大倉廩實胃星離徙則倉廩粟耗其

星就聚則米穀大貴民流於道

荊州曰胃中星聚者穀聚星少者穀散

石氏讚曰胃主廩倉陰收五穀之基故置天囷盛之

又曰胃宿三星主倉廩貯積五谷以藏之

昴 四

石氏曰昴七星十一度

古十五度

度距西南第一星

先至去極七十四度

在黃道內四度少

春夏為火

秋冬為金

巫咸曰昴火星昴南九尺是中道趙之分野
淮南子曰魏分

佐助期曰昴主獄事神名敖姓金宋趙勝

西官候曰昴一名武一名天厨一名天路胡星主兵
主喪其一星亡邦有兵昴水星也

其氏曰昴茅也

郗萌曰昴有一星明大黃色者其星明則天下安不
明則天下大凶

巫氏曰昴為天之耳目

黃帝曰昴星天牢獄也王者兼天以利獄事以檢淫
奢其星不欲明明則天下多獄者

春秋緯曰昴為旄頭房衡佐主胡陰之象也

聖洽符曰昴者白衣聚會獄訟煩苛

巫氏曰昴為白衣聚又曰胡聚

孝經章句曰昴市府廷也

郗萌曰將有白衣之會則占於昴

爾雅曰西陸昴也一曰天獄

石氏曰天街者昴畢之間陰陽之所分中國之境界也

天官書曰陰陰國陽陽國

孟康曰陰西南維河山以北國也陽河山以南國也元命包曰帝位明郡昴星光大

甘氏曰昴星明天下多犯獄者昴星動搖必有大臣下獄又曰有白衣之會

又曰昴星大而數動盡跳者胡兵大起不出年中又曰昴一大星跳躍餘皆不動者胡欲侵犯邊境

期年中或三年

郝萌曰昴星明大則牢獄平昴星皆明與奎星等者水滿天下昴七星黃道起

昴有一星亡者多兵為喪

天官書曰百帶行得畢昴為之圍圍三暮得乃成不暮及圍不合得不成

石氏讚曰昴主獄事典治囚故置卷舌以慎疑昴主獄事繫凌猨化伐所犯謀是當

石氏曰畢八星附耳一星

附耳主聽察也

十六度

古

十五度度距左股第一星先至去極七十八度

在

黃道外六度太

春夏為金秋冬為水

巫氏曰畢火星也附耳水星畢北七尺是中道趙之

分野

王者執畢前驅即其象也

一曰囚車今掩免者曰畢亦其義也故主弋獵其

大星曰尺高一曰邊將邦外候也

天文曰大高

淮南子曰魏之分野

佐助期曰畢主邊兵神名扶骨姓傅兒候

皇甫謐曰一名天耳一名天目一名兔口

別書虎口

西官候曰畢一名天濁一名天都尉主制候四方

又名天空也

又言天罡也

聖洽符曰畢者揚兵一曰清池宮

河圖曰畢為天罡也

孝經章句曰畢府廷也

巫咸曰畢為天獄

郗萌曰畢主山河以南中國也中國於四海內則在

東南為陽陽則曰歲星受惑鎮星占於御南

春秋緯曰畢曰罕車為邊兵主弋獵遊畋之事陽微

撮故置附耳在大星傍以司天下搖動則讒臣亂

主

春秋緯曰畢為天街邊界陰陽兩間于是分也守備

外國故立附耳以間不祥

郝萌曰將有畋獵之事則占於畢

黃帝占曰畢左股火星邊將也主邊邦胡狄侯五帝

三王壘外域其國倍叛其星芒躍則外國兵反其

星欲明明則遠夷來貢失常改色大小不如則邊

境亂擾中國不寧人以畢罪掃姦雄平通外域

西官候曰畢大星邊將軍也星動有芒角邊將有急

百二十占曰畢主弋獵為陽國昂為陰國日月五星

出陽國即有水入陰國即早上教不行

黃帝占曰其國背叛畢星耀芒

元命苞曰畢星光大色度和平天下太平國號未央

郝萌曰畢星搖動有讒臣畢一星亡為喪一曰為兵

畢中星出國內亂一曰國無主

畢星明大則邊無遠近更貢

畢離移天下獄大乱其星就聚法令大酷其明平
安不明天下謀乱

列宿說曰畢星動者邊城有兵起

石氏曰附耳着畢司街候和

巫咸曰附耳火官也

黃帝曰附耳搖動有國令之事

洛書曰附耳角動詭賊將起

春秋緯曰附耳明盛則邊兵大起賊動

宋均曰賊盛動中國微邊兵驚外國交閉連年大將
虜主敗失

附耳搖動非其處有乱臣有恻者一曰主憂愁

論語讖曰附耳明盜賊興

郝萌曰附耳入畢口直一星期四十日直二星期三

十日直三星期二十日直四星期十日直五星期

三日兵起

附耳入畢中為兵革入深大

附耳縮結王命興輔佐出

附耳動兵大起邊兵尤甚

石氏讚曰畢主邊兵備吏謀故置天子以射之

畢為天銜主邊兵守備境界知暴橫

附耳移動讎和行

觜觴

石氏曰觜觴三星二度

古六度

度距西南星先至去

極八十四度

在黃道外十二度太

春夏為水秋冬

為土

巫咸曰觜金星觜北三尺是中道晉魏之分野

淮南子曰趙之分野

西官候曰觜觴主斬刈左足一名白虎將一名天將

斧鉞白虎之守也主外軍其外梁也其內魏也其

木楊其物錢金器礮石金星也

聖治符曰觜觴參伐天之市梁也

石氏曰觜觴者內主梁外主巴漢一曰觜觴者三軍

之候也

巫氏曰觜為寶貨又為天貨

天官書曰小三星偶置曰觜觴為白虎首主葆旅之

事如淳曰開中洛謂案榆蘗生有葆晉灼曰葆葉也王旅今民業旅

列宿說曰觜觴動葆旅起將有葆旅之事則占於觜二十八宿山經曰觜山與參山相連在魏天山西南觜參星神常居其上

甘氏曰觜觴三星行軍府藏也其星欲明明則國盈軍有糧儲其星不明不可出軍行將天下軍士無食王者將出必察其星

百二十占曰觜大鳧其星明則盜賊衆

石氏曰觜星動明寇戎發群盜行

郝萌曰觜星近參左股臣有謀其君者違主之命奪主之權近右股大臣謀伐其主若有大命

觜星明大將得勢

石氏譜曰觜參主葆旅收斂故置參伐以相助

參曰七

石氏曰參七星伐三星九度

古度同度距中央西星

先至去極九十四度半少

在黃道外二十三度半

春夏為水秋冬為土

巫咸曰參金星也參北十三尺是中道晉魏之分野
左氏傳曰昔高辛氏有二子曰閼伯季曰實沈不
相能尋干戈以相征伐注曰尋用也傳曰后帝不
藏注曰后帝堯也傳曰遷閼伯于商丘主辰注曰
商丘宋地主祀辰星大火也傳曰遷實沈于大夏
主參淮南鴻列曰趙之分野商人是以辰為商星
佐助期曰參伐主斬刈神名虛扁姓祖及
黃帝曰參應七將軍也中央三小星橫列曰伐天之
都尉也上明鮮卑戎狄之國故不欲其明也

孝經章句曰參伐布府廷也又為天尉
巫咸曰參星為衡

石氏曰參伐一名鍾龍

天官書曰參為白虎三星直也為衡右下有三星曰

伐

晉灼曰星斜列無銳為斬刈事其外四星左右扇
三股也參一名成一名大辰一名天市一曰鉄鉞又
為天獄

彗星要占曰參者天子市也伐者天子都尉也又天

之車騎也與狼狐同精天子候蜀也主南夷戎之
國一曰晉地

玉曆曰參中央大星主命左星主左司馬右星主右
司馬左臂主天門右臂主天獄

西官侯曰參左大星左將軍也右大星右將軍也中
央三星三將軍又三小星小將軍也主胡鮮卑越
野諸君王也

聖治符曰參者白虎宿也足入牛中名曰滔足虎不
得動天下無兵足出井外處得放逸縱暴為害天

下兵起

元命包曰參主斬刈束威刑罰也又主權衡所以平
理也又主邊城九驛故不欲其動也參為白虎之
體也其星三列為三將軍也東北星曰左肩主左
將軍西北星曰右肩主右將軍東南星曰左足主
後將軍西南星曰右足主偏將軍

黃帝曰參星天右將軍也天市石武金性剛強斬刈
平時參應七將其中三星列三將也右肩右足右
將也左肩左足左將也白虎性怒左足下有井星

動而陷之以節其勢凡七星明大天下兵精衛帝
有方茂明芒角揮張赤耀橫射則三軍驟動天子

郝萌曰參為權橫衡不正天下傾

百二十占曰參為將軍常以夏三月視參足退前曰
兵起退却曰兵罷國寧又視參兩星動搖則兵起

天子有憂一曰玉苗

易緯曰參無頭國分兵強

聖洽符曰參伐者衣冠衡石天子之師也

春秋緯曰參伐滅絕臣弑君子弑父

石氏曰參左足不入井中兵大起

參星不欲動動則兵起其星不具其君亡地

參星失色其軍散敗蹉跌不常王臣不忠外其心

參中央星差南胡人入塞復正則胡人出

郝萌曰參星移名曰矢天客伐主人明動者兵軍大

起

參星西有外而大者兵外強其內而大者兵內強
參之左股亡則東方南方不可舉兵右股亡則西

方北方不可舉兵
參左足出玉井中兵大起天下大水或其有喪山石為怪

參為天刑主伐星大則兵起進退迫居及客番息皆為刑急

參星明者大將執勢奪主威權天下變易

參星不明大將有疾

參星離出大將有逐就聚大將有誅

參中央星差北胡人死

荆州曰參星芒角動搖邊候有急天下兵起參肩細

微天下兵弱

石氏曰參四足有進者將出有退者無功失勢進者

謂移北退者謂移南也

春秋緯曰伐有角黃芒天子滅

又曰數世絕則伐生角

合誠圖曰伐有角則諸侯之官後排門闔

甘氏曰參伐動者有斬伐之事

巫氏曰伐水官也

郝萌曰參伐星明大則斬剝行

伐三星去疏則法令急

伐星不欲明明典參等者天下大臣皆謀去其君
是謂不理

伐星明大則有兵起

百二十占曰伐星移南胡人入塞移北則胡人出塞

石氏讚曰參伐主斬剝陽氣滋故置玉井以給尉

參伐斬剝摧傷九州合謀自敗失

甘氏曰參為忠良孝順之子星明大則臣忠子孝移

動政常則忠受枉

劉向洪範傳曰西方八十三度今八十九度

大唐開元占經卷之六十二卷終

大唐開元占經卷第六十三

南方七宿占

東井 一

石氏曰東井八星鉞一星三十三度 古三十九度 度

距北南軒西頭第一星先至去極七十度 在黃道

外二度半 春夏為火秋冬為水

巫咸曰東井水星也日月五星行貫井是中道秦之

分野

黃帝占曰東井天府法令也天諫也一名東陵一名

天井一名東井一名天開一名天門一曰天之南
門三光之政道行不出其中為天下無道三光行
經其中不得留守東井主水用法清平如水王者
心正得天理則井星正行位主法制著明左垣四
星四輔也右垣四星以輔赤帝井中六星主水衡
其星明大水橫流

孝經章句曰東井為天渠

巫氏曰東井為天亭天候又曰井鬼下獄

廣雅曰東井曰鶉首

玉曆曰東井曰天齊

齊伯曰東井天渠也主於負山

又為其國市何法盛懸象說曰井女主之象也

百二十占曰東井為天池

二十八宿山經曰東井與鬼山在秦火山南井鬼星
神常居其上

聖治符曰井鉞星大而明則符鉞且用兵起
易緯曰鉞星明主自通諸侯亂

石氏曰東井墜天下涌水井鉞去則水滿

甘氏曰用法平王者心正則井星明行位直
鉞星明則臣多犯罪者

海中占曰井鉞一星司淫奢其星不欲明明則斧鉞
用以斬伏誅之臣

焦延壽曰天鉞星不與井齊則大臣有斬者以欲然
也

和萌曰文質士命與輔佐出

石氏讚曰東井主水衡以平時故置鉞星斬淫奢
東井八星主水衡井像法水法水定平執性不淫

故主衡

輿鬼二

石氏曰輿鬼五星四度

古五度

度距而南星先至去

極六十八度

在黃道內太

春夏為火秋冬為水

巫咸曰鬼土星也輿鬼南六尺是中道秦之分野

郝萌曰弧射狼誤中參左肩輿尸於鬼鬼之言歸也

南官候曰輿鬼一名天鉄鎖一名天訟主察姦天之

目也

孝經章句曰輿鬼為夏獄又曰天之金玉府也又名

天墮天墮其星明則鉄鉞用事而兵起有戰不用
節則無兵兵雖在外不戰

黃帝占曰輿鬼南星也

石氏曰南二尺一星積布帛西星

石氏曰西二尺一星積金玉北星

石氏曰北二尺一星珠錢東星

石氏曰東二尺一星積馬中央星積尸

石氏曰鬼東北一星主積馬東南一星主積兵西南

一星主積布帛西北一星主積金玉此四星有變

則占其所主也中央色白如粉絮者所謂積尸氣
也一曰天尸故主死喪主祠事也一曰鉄鎖故主

法主誅斬

郝萌曰輿鬼中者為鎖鬼星彰明人民更相請客五

穀成熟

玉曆占曰輿鬼為天尸朱雀頸中星如粉絮鬼為疫

癘之害

南官候曰輿鬼者天宿也主神祭祀之事其國秦也

其木楊也其物馬牛羊虎也

郁萌曰與鬼星明大歲熟不明民大散其星移徙民
大愁政令急

又曰與鬼星動其色瞳瞳望之若有光主賊歛重
數徭役煩多萬民悲怨不出五年身死家亡又曰
見此災後連年大水秦國尤甚

又曰與鬼質星欲其忽忽不明不明則安明則兵
起谷斂且用

石氏讚曰與鬼視明察姦謀故置立諸侯以刺之
又曰與鬼主視明從陰視陽不失精

柳 三

石氏曰柳八星十五度 古十八度 度距西頭第三星

先至去極七十七度 在黃道外十二度 春夏為水

秋冬為火

巫氏曰柳土星也柳北六尺是中道周之分野

南官候曰柳天府也一名天相一名天大將軍天之

少府也其因狄也其木桑也其物羊豕也

爾雅曰味謂之柳柳鶉火也一曰注音相近也

聖洽符曰注者未功也

孝經章句曰柳天庫也

巫咸曰柳為木官主工匠又曰柳為天庫
天官書曰柳為鳥注主草木

齊伯曰柳者生於道澤之山為其國府庭也

郝萌曰將有木工則占於柳

二十八宿山經曰柳山七星山張山皆相連在周嵩

高山東北柳星七星張星之神常居其上

黃帝占曰柳者朱雀頸也主卿相大臣之厨凡八星
以防詐偽其星欲明明則大臣重鎮以防不虞其

星不明王者失令宮室不安

郝萌曰柳星佐直左出天下謀伐星執聚兵戈滿野
其星不明德獎離其星明國安昌

涇星明厨養具 注舉首王命與輔佐良

石氏讚曰柳主上食和味滋故置天稷以祭祀

柳主上食長養形仁以行恩成其名

七星 四

石氏曰七星七度

古十三度

度距中央大星先至去

極九十度

在黃道外二十一度

必春夏為火秋冬

為水

巫咸曰七星水星也七星北十三度是中道周之分

野

黃帝占曰七星赤地帝也一名天庫一名天御府於

午火臨入中官德於上星主帝冠衣裳黼黻文繡

之屬

皇甫謐曰七星一名延頸

南官候曰七星一名天負天府也主葆旅之事

玉曆曰七星一名天河

百二十占曰七星為玄宮一名津橋

宋均曰注候七星也

聖治符曰七星者倍海也

巫氏曰七星為賜貨又曰天廷也

天官書曰七星頸為負官主急事

或為玄宮

鄒萌曰七星為天帝守諸群盜賊

列宿占曰七星主兵

黃帝占曰七星正主陽朱雀心也星主衣裳馬之翅

也以覆鳥身以主衣裳也其星欲明明則王道大

昌君子家不隱賢人不逃藏其星不明中輔逃亡
賢良不處天下虛空王者開四門則七星光澤天
授綱紀

甘氏曰七星動者兵起

郝萌曰七星大則麻成熟

七星明執政平不明天子疾

七星離天下易政家殊計

石氏讚曰七星主衣裳蓋身軀故置軒轅裁制之

又曰德歸好性信有成故以衣裳屬七星

張五

石氏曰張六星十八度

古十三度

度距應前第一星

先至去極九十七度

在黃道外二十六度半

春夏

為木秋冬為水

巫咸曰張水星也張^北十三度尺是中道周之分野

南官候曰張為天府也一名御府金玉珠寶宗廟所

用之物又為天子王宮內官之眼也一名天昌其

星明乃天子昌

齊伯曰張者生於江水之山為天庫一曰生於道釋

之山為周庫又為都官

黃帝曰張星天府也為朱雀之素火星也主國之珠
玉金室及宗廟所用之器天王內官衣服其輔帝
中宮內張外翼以衛帝宮

聖洽符曰張主酒食賞賚賚之事

孝經章句曰張為天相王者珍室物宗廟所用其西
四星四輔也帝官田翼外張以匡帝宮

天官書曰張嗥為廚主觴客

南官候曰張者為廚主賜客之事其木梧桐其物粟

鷄狗羊豕其國固也

列宿說曰張主賞與其星動者有賞與之事

黃帝曰張星明大則王者行五禮得天下治其不明
則五禮失天子多疾病少子孫金官以木官代之
其星光明

海中占曰張星不明王者少子孫

郝萌曰張星明大則廚養具

張星不明天王多病

張星移徙者天下有逆民就聚者有兵

石氏譜曰張主賜客賓主嬉笑故置之少微禮義時
張主長養位威陽人君向始統綱紀

翼六

石氏曰翼二十二星十八度

古十三度

度距中央西

星先至去極九十九度

在黃道外二十度半

春夏

為金秋冬為土

巫咸曰翼金星也翼北十二尺是中道楚之分野
南官候曰翼生天昌五樂八佾也一名化宮一名天
都市一名天除以和五音

石氏曰翼者天樂府也主輔翼以衛太微宮法九州
之位入為將士相繩直有例內外小星四十六官
各隨其度小臣之象也

聖洽符曰翼者賓客也

孝經章句曰翼者市也

百二十占曰翼為天倡倍海也又曰天旗又曰天都
也其國楚其木茱萸其物轅幹又奴婢毛羽節器
也

黃帝占曰翼和五音調笙律五輔以衛太微宮九州

之位入為宰相其星明則君明臣賢王者細言則
禮樂興天下和平四夷貢服其星不明天子有憂
將有負海之客禮樂不和律呂不調
巫咸曰翼天羽翼人為負海
天官書曰翼為羽翮主遠客

二十八宿山經曰翼山軫山相連在楚門山中央最
高翼軫星神常居其上

郝萌曰將有負海之事則占於翼也
列宿說曰翼主蠻夷其星動則蠻夷來見天子者

黃帝曰翼星明潤光芒則君聖臣賢三王清微聖賢
有期集會之慶禮樂大興天下和平

郝萌曰翼明大則四夷賓服翼星從天子征伐
翼星就聚天下相伐徙動則三公廢離移則民流
翼星昏暗大小失次則帝皇失禮王道衰微
石氏讚曰翼主天倡以戲娛故近太微並尊嬉
翼二十二星主天倡建旗秉節

軫 七

石氏曰軫四星長沙一星轄二星十七度
古十六度

度距西北星先至去極九十九度

在黃道外十五

度火 春夏為木秋冬為土

巫咸曰軫金也軫北十三度是中道楚之分野

南官候曰軫一名天志主風死喪東小星謂轄西小

星謂轄膏軫同合則邊兵起去軫七寸曰轄去軫

五寸曰膏膏去軫一尺為常去軫二尺曰進近軫

名為天膏轄者車騎發膏轄反故車騎罷遠兵息

聖治符曰軫者車事也

孝經章句曰軫府廷也又車也

巫咸曰軫天庫楚國星會稽也軫天子政朝也

南官候曰軫者天負府也其國楚漢江荆湘衡也其

木松柏弓其物青泉帛也

齊伯曰軫者生于蒙山長為楚之國為有廷

黃帝曰軫主察亢災冢宰之臣四輔也

天官書曰軫主風

黃帝曰軫者以候王者壽命故置長沙一星主延期

轄二星主王候左轄為同姓右轄為異姓長沙轄

星欲明明則壽命長天下不亡也細微亡不見七

日其位王候當之

天官書曰長沙星不欲明明與囚星等若五星入軫

黃中兵大起

郝萌曰軫北小星去軫數寸者轄也轄明與囚星等

若轄進退兵大起軫南小星去軫二尺者膏也轄

進膏傳軫是謂天亡膏三日車騎發轄膏各反其

處車騎罷有兵而轄遠軫者兵罷

又曰轄星欲其近軫去軫近則上下和睦遠則君

臣相疑七寸以上為近一尺以上為遠

百二十占曰軫為天車車失轄則頽

郝萌曰軫星明大則車駕備

軫星及長沙星明天子內佐親強

軫星移徙天子憂其星就聚兵大起

軫星流不止又無一星如車無轄國王憂將有軍

出入則占於軫

軫轄舉南蠻侵

軫星欲小而明不欲大而暗小而明則國祚安大

而暗與四星等則兵大起

列宿說曰轄星動車騎用

石氏曰轄二星不欲明明則輜車行用轄欲進相去
七寸相去一尺以外皆凶

郝萌曰軫星明兵大興

百二十占曰轄星動搖三月車馬大凶

黃帝曰長沙明則主壽長

洛書曰長沙明主大臣逆謀兵乃生

春秋緯曰長沙左轄中星不欲明明與四星等兵大
起

石氏曰長沙星明王者保慶子孫昌

巫咸曰長沙明天子壽豐

石氏曰軫主死喪知凶災故設長沙以延期

巫氏曰長沙木棺也 長沙一星主囚也

石氏譜曰軫四星主死喪建時立節威嚴莊春王小
終季夏殃

洪範傳曰南方一百七度令一百十二度

大唐開元占經卷第六十三終

大唐開元占經卷第六十四

分野畧例

宿次分野一

角亢鄭之分野自軫十二度至氐四度於辰在辰為

壽星三月之時萬物始達於地春氣布養萬物各

盡其天性不惟天故曰壽星

爾雅曰壽星角亢也

鄭玄注月令曰仲秋者日月會於壽星一名庫營

皇甫謐曰壽星一名天庫一名天翼一名天正

天官書曰角亢氐亢川
淮南子曰角亢鄭也費直周易分野曰角軫七度至
氐一十度為壽星

蔡伯喈月令章句曰角軫六度至亢八度謂之壽星
之次

未央分野曰鄭星得角亢也潁川之文城定陵襄城
肄陽潁陰長社陽翟八縣潁川郡秦置東接汝
南西接弘農特得新安宜陽二縣屬弘農郡漢武
帝置皆韓之分野

韓世家曰韓氏姬之苗裔也韓武子事晉德封韓也
詩風陳鄭之國與韓同星分野

陳世家曰陳本大吳之虛也周武王克殷求舜後得
媯汭封之於陳以奉舜祀為胡公淮陽國之陳縣
則其地也鄭國今河南之新鄭是也新鄭縣河南
郡也秦三川郡也漢高帝改名為本高辛氏之火
正祝融之虛重黎為帝嚳為辛氏居火正甚有功
能光融天下帝嚳命曰祝融祝大也融名也及成
畢滎陽二縣也屬河南郡戶也潁川之嵩陽城縣

也皆鄭之分野

鄭世家曰周宣王封庶弟故於鄭是桓公也屬兗州

尚書禹貢曰濟河惟兗州

周官曰河東曰兗州

未央分野曰鄭治潁川從滎陽南至梁山東至龍山

今為潁川氏房心宋之分野自氏五度至尾九度

於辰在卯為大火東方為木心星在卯火出於心

故曰大火

爾雅曰火辰氏房心也大火謂之辰也語曰參辰亦

曰參商謂參星與心星也已釋於魏次注中鄭玄

注禮記月令曰季秋者日月會於大火斗建戌之

辰也

周禮曰大火一名味一名天馬

皇甫謐曰大火一名天相一名天府

天官書曰房心豫州

淮南子曰氏房心宋也

費直曰自氏十一度至尾八度為大火

蔡氏曰自亢八度至尾四度謂之大火之次

未央分野曰宋星得房心今為梁也梁秦之碭郡漢高帝改為梁河也楚漢高帝置楚周宣帝以為彭城郡也山陽郡漢景帝分梁國置東平濟東宣帝改為東平也濟陰漢景帝分梁國為濟陰國之東郡須昌壽張二縣也壽張本名壽良漢光武避叔諱改為壽張也皆宋之分野周分微子於宋今之睢陽是也睢陽縣屬梁國周成王封紂庶兄微子於宋以奉殷祀本陶湯唐火正關伯之虛也關伯高辛氏之長子也居于商丘濟陰定陶縣也屬濟

陰國詩風曹國是也周武王討弟叔振鐸於曹定陶縣是也屬豫州

尚書禹貢曰荆河淮豫州

周官曰河南曰豫州

未央分野曰宋治下蔡淮陽從南恒至濟漢水沛郡濟陽大行東海今為梁也尾箕燕之分野自尾十度至南斗十一度於辰在寅為析木尾東方之木宿斗北方之水宿宿之初次在其間隔別水木故曰析木

爾雅曰析木謂之津箕斗之間漢津也

鄭玄注月令曰孟冬者日月會於析木斗建亥之辰也

周禮曰析木之津一名大昭一名漢津

皇甫謐曰析木一名天丞相一名天司空一名天家

子一名天津天

天官書曰尾箕幽州

淮南子曰尾箕燕也

賈直曰自尾九度至南斗九度為析木之津

蔡氏曰自尾四度至南斗六度謂之析木之次

未央分野曰燕星得尾箕也周武王定殷封召公於

燕其後三十六世與六國並稱王王易王也東有

漁陽石北平遼東遼西西有上谷代郡六郡並秦

置鴈門郡秦之南得涿郡之易容城范陽北新城

故涿縣良鄉新昌八縣也涿郡秦置勃海之安次

安次縣也勃海漢高帝置朝鮮樂浪玄菟三郡並

漢武武帝置皆燕之分也屬幽州周分冀州置幽

州

周官曰

爾雅曰燕幽州

未央分野曰幽州治薊南至積石東至恒山漢陽右

北平遼東遼西涿郡也

南斗牽牛吳越之分野自南斗十二度至須女七

度於辰在丑為星紀星紀者言其統紀萬物十二

月之位萬物之所終始故曰星紀也

爾雅曰星紀斗宿牽牛也

鄭玄注月令曰仲冬者日月會於星紀建之子辰也

皇甫謐年曆曰星紀一名天津一名天府一名天苟

一名天雞

天官書曰斗江湘牽牛婺女柳州

淮南子曰斗吳越也

高誘注呂氏春秋曰斗吳也牛越也

費直曰自南斗十度至須女五度為星紀

蔡氏月令章句曰自南斗六度至須女二度謂之星

紀之次

未央分野曰吳越星得斗牛今之會稽九江二郡秦

置丹陽秦為漳郡漢武改為丹陽豫章漢高帝置
廬江漢文帝分淮南置廣陵六安漢武帝改江都
國為廣陵國分衡山立六安也臨淮郡漢武帝置
也皆吳之分野
史記吳世家曰吳太伯周太王之長子也與弟仲雍
讓國於季歷奔荆蛮之地斷髮文身荆蛮義而歸
之自野句吳國武王克殷求太伯仲雍之後得仲
雍曾孫周章封之於吳也今之蒼梧鬱林合浦交
趾九真日南南海皆越之分野也

越世家曰越之先夏少康之庶子封會稽曰无余以
奉禹祀十有餘世微弱為大禹祀中絕千有餘載
後有子生而能言我無余之苗裔也越人尊以為
君號曰無余王也至孫元常越復興焉并屬揚州
禹貢曰淮海揚州

周官曰東南曰揚州

未央分野曰吳越北至大江南至山東至海西至洞
庭

須女虛星齊之分野自須女八度至危十五度于

辰在子為玄枵也玄者黑北方之色枵者耗也十一月之時陽氣在下陰氣在上萬物幽死未有生者天地空虛故曰玄枵也

鄭玄注月令曰季冬者日月會於玄枵斗建丑之辰也

周禮曰玄枵一名天一名顓頊虛

皇甫謐曰玄枵一名嫫女一名少府一名河鼓一名

天機

天官書曰虛危青州

淮南子曰虛危齊也

費直曰角至須女六度至危十三度為玄枵

蔡氏曰自須女二度至危十度謂之玄枵之次

未央分野曰齊星得虛危東有蕢州漢文帝分齊國為蕢州國東萊郡漢高帝置瑯琊郡秦置高密漢宣帝改膠西國為高密國膠東漢高帝分齊之膠東國南有太山郡漢高帝置城陽漢文帝分齊國立城陽國北有千乘漢高帝立為國得清河以南渤海之高樂高城重合陽信西有濟南漢文帝

分濟国立濟南国平原漢高帝置皆齊之分野也
齊世家曰齊太公望佐周武王而王封太公於齊武
王崩成王命齊国東至於海西至於河南至於穆
陵北至於無棣而都營丘也属青州

禹貢曰海岱惟青州

周官曰東曰青州

爾雅曰齊曰营州則青州也

未央分野曰齊治营治营立北至燕西至九河南至
蕢水東至海濱

危室壁衛之分野自危十六度至奎四度於辰在

亥為娵訾娵訾者歎息也十月之時陰氣始盛陽

氣伏藏萬物失裁養育之氣故哀愁而歎悲嫌無

陽故曰娵訾娵訾者古諸侯也帝嚳娶娵訾氏女

生勢勢克况也

爾雅曰娵訾曰營室東壁也一曰豕韋夏氏之御龍

氏国也

左傳曰萇弘對周景王曰蔡侯弑其君之歲歲在豕

韋也

鄭玄注月令曰孟春者日月會於娵訾而斗建寅之辰也

周禮曰娵訾一名承韋一名顓頊一名娵訾一名天府一名北陵一名鄉中

天官書曰營室東壁并州

淮南子曰營室東壁也

費直曰自危十四度至奎一度為娵訾

蔡氏曰自危十度至東壁八度謂之承韋之次

未央分野曰衛星得營室東壁也今東郡秦置魏郡

漢高帝置之黎陽河內郡漢高帝置本殷之舊都

周既克殷分其畿內為三國詩風邠鄘衛國是也

其之分野王朝歌皆衛之分也衛為翟人所滅文

公使封楚丘後三十年子成公遷於帝丘今濮陽

是也屬并州周分冀州置并州

周官曰正北曰并州今分野無并州所部郡縣并州

凡九郡悉在燕趙秦次中未詳也

未央分野曰魏置濮陽其地從王水以東至沛今為

東郡也

奎婁魯之分野自奎五度至胃六度於辰在戌為
降婁降下也婁曲也陰至於午與陽俱行至八月
陽遂下九月陽將剝卦用事陽將剝盡陰遂下萬
物枯落捲縮而死故曰降婁
爾雅曰降婁金婁也

鄭玄注月令曰仲春者日月會於降婁而斗建卯之
辰也

周禮曰降婁一名清明
皇甫謐曰降婁一名天官

天官書曰降婁魯徐州

淮南子曰奎婁魯也

費直曰自奎二度至胃二度謂之降婁之次

未央分野曰魯星得奎婁東至東海郡漢高置南有
泗水泗水國也漢武帝分東海郡立也至淮得臨
淮之下相睢陵僮取慮皆魯之分也周成王以少
昊之虛曲阜封周公子伯禽為魯侯以為周公主
也

魯世家曰周武王克殷封弟周公旦於少昊之虛周

公佐武王不就封武王崩成王命周公子伯禽代
居其國是為魯公也屬徐州

禹貢曰海岱及淮惟徐州

爾雅曰齊東曰徐州而周羅徐合青漢武帝復置徐

州

未央分野曰魯至溫水西至滎陽北至伐南至江

胃昴趙之分野自胃七度至畢十一度於辰在酉

為大梁梁強也八月之時白露始降萬物於是堅

而成而強故曰大梁

爾雅曰大梁昴也

鄭玄注月令曰季春者日月會於大梁斗建辰之辰

也

周禮曰大梁一名不陽一名西陵

皇甫謐曰大梁一名耕曰一名天倉一名天獄一名

大軍一名偏將軍

天官書曰昴畢冀州

淮南子曰昴畢魏也

賈直曰自胃四度至畢八度為大梁

蔡氏曰自冒一度至畢二度為大梁之次

未央分野曰趙星得參代之趙本晉地分晉得趙國
漢高帝代州邯鄲郡為趙國北有信都漢高帝立
真定國漢武帝立常山郡漢高帝置本因山為恒
山郡漢文帝諱恒故改為常山也又得涿郡之高
陽鄭州鄉二縣也涿郡漢高帝立東有廣平國漢
武帝立鉅鹿郡漢高帝置清河國漢文帝分趙國
又得勃海之東平舒中武邑文安東州城平章武
六縣也漢置河以北也南至浮水水若一作漳水

繁陽內黃斥丘三縣屬魏郡漢南置西有太原郡
秦置定襄郡漢高置雲中秦置五原又九原郡漢
武改朔方漢武帝開置上黨秦置本漢之別郡遠
韓近趙後卒降趙皆得之自趙夙後九世稱侯四
世故侯徙都邯鄲後三世有武靈王五世為秦所
滅

趙世家曰趙氏之先帝顓頊之苗裔伯益之後也
又虞舜妻姚姓之女賜姓嬴氏歷夏殷世為諸侯
後造父為周襄公王御西巡狩而偃王及瑯王日

馳千里遷改徐破之乃賜造父趙城由此為趙氏
屬冀州

禹貢曰冀州既載壺口洽梁及岐
周官曰河內南冀州

未央分野曰趙治邯鄲北至常山代郡

畢甯參魏之分野自畢十二度至東井十五度於

辰在申為實沈言七月之時萬物極茂陰氣沉重

降實萬物故曰實沈高辛氏有二子伯曰閼伯季

曰實沈而不相能后帝不藏之閼伯於商丘主辰

商人是因故為商星遷實沈於大夏主參唐人是

因故參為唐星至周武王滅靈夢而生叔虞成王

時唐有亂周公滅唐成王因戲而封虞於唐河汾

之東方百里太原都之晉陽縣是也實沈參之神

也因名次焉

鄭玄注禮記月令曰孟夏者日月會於實沈斗建巳

之辰也

周禮曰實沈一名不疑

皇甫謐曰實沈一名大唐一名中尉一名天路一名

天溝一名天京一名旄頭

天官書曰崑觴參益州

淮南子曰崑觴參趙也

趙玄注周礼保章氏曰實沈晉也

實直曰自畢九度至東井十一度為實沈

秦氏曰自畢六度至東井十度為實沈之次

未央分野曰魏星得胃昴畢也自南陵縣屬益州以

東盡河東郡秦置河內漢高帝置南有陳留郡漢

武帝置汝南之郡陵隱強新汲秦置及西華長平

隸川之舞陽鄆許鄆陵河南之開封中牟陽武酸

棗酸東縣屬陳留縣則為重見也皆魏之分也

魏世家曰畢公高之後也與周同姓高佐周武王得

封於畢更為畢氏後封其苗裔曰畢萬事晉獻公

從伐霍取魏滅之獻公以魏封萬魏河東郡之永

安縣是也悼子子昭子後治霍平陽郡之永安縣

是也悼子子昭子從安邑河東之安邑縣是昭子

孫獻子與趙禕共謀祁羊石氏分其地獻子魯孫

桓子與趙禕臧智伯桓子孫文侯時魏為強大周

烈王賜命為諸侯文侯子武侯與趙韓戚晉分其地故參為魏之分野七屬益州漢武帝改梁州為益州非魏地益州地盡在秦楚次中為其畧未詳其旨

未央分野曰晉治太原從魏以西至襄治之今為河東河內上黨雲中

宋井輿鬼秦之分野自東井十六度至柳八度於辰在末為鶉首南方七宿其形象鳥以井為冠以柳為口鶉鳥也首頸也故曰鶉首

爾雅曰梁謂之柳

鄭玄注禮記月令曰仲夏者日月會於鶉首斗建午之辰也

周禮曰鶉首一名小章

皇甫謐曰鶉首一名天祿一名天子市一名白虎將一名斧鉞

天官書曰東井輿鬼雍州

淮南子曰東井輿鬼秦州

費直曰自東井十二度至柳四度為鶉首

蔡氏曰自東井十度至柳四度謂之鶉首

未央分野曰秦星得東井輿鬼也自弘農故關以西
古關故函谷關也弘農郡漢武帝置京兆扶風馮
翊並秦內史漢武帝分為三輔北地上郡二郡秦
置西河安定天水三郡漢武帝置隴西秦置南有
巴郡蜀郡二郡秦置廣漢漢置犍為漢武帝置武
都西北有金城漢置武威本休屠王地張掖本昆
耶王地酒泉燉煌燉煌本屬酒泉漢武帝置又西
有牂牁越雋益州皆秦也三郡並漢武帝開置秦

之分也

秦世家曰秦之先曰非子與趙同姓伯益之十六世
孫也為周孝王養馬甚息孝王封為附庸邑之丁
秦號曰秦嬴天水之隴縣則其地也秦嬴曾孫曰
秦仲周宣王使伐西戎為戎所殺宣王復命仲子
莊公與曰弟伐戎破之賜仲大路之地於是居於
大丘扶風之槐里縣是也屬雍州

禹貢曰黑水西河惟雍州

周官曰正西曰雍州漢武帝改為涼州

未央分野曰秦治芷陽又治咸陽今為長安北地華
山西至隨流沁今為三輔已屬漢中隴西北地上
郡也

柳七星張周之分野自柳九度至張十七度於辰
在午為鶉火南方為火言五月之時陽氣始隆火
星昏中在七星朱鳥之處故曰鶉火

爾雅曰柳鶉火也柳七星張南方之中宿也故曰火
周禮曰鳥與七游象以鶉火也

鄭玄注禮記月令曰季夏者日月會於鶉火斗建未

之辰也

周禮曰天井一名致方注

天官書曰七星張三河

淮南子曰七星張周也

費直曰自柳五度至張十二為鶉火

蔡氏曰自柳三度至張十二謂之鶉火之次

未央分野曰周星得注張今之河南雒陽谷城平

陽偃師鞏維氏此七縣屬河南郡並周分也

周世家曰周之先曰棄棄生有神恠長好稼穡為舜

播植百穀爵封之於邠扶風是也魏曰后稷姓為
姬氏曾孫公劉國於邠扶風是也十世孫曰太王
為狄所侵遷於邠扶風之夏陽是也太王孫文王
有聖德周室方隆徙都於鄴鄴在京兆之社縣文
生子武王滅南徙都於鎬鎬在京兆之長安縣武
王子成王營雒邑都河南郡今之河南縣是也
或曰成王居雒邑六世孫懿王遷大丘也屬三河
河南河內河東三郡是也按周之將亡惟河南一
郡故以為周之分野其河內河東乃在魏次中未

詳周分野稱三河之謂也

米次曰周治洛陽西至華山東至蒙澤少室北河南
至濮水今為河東陳留

翼軫楚之分野自張十八度至軫十一度於辰在
巳為鷄尾南方朱雀七宿以軫為尾故曰鷄尾
鄭玄注禮記月令曰孟秋者日月會於鷄尾斗建申
之辰

周禮曰鷄尾一名鳥帛

皇甫謐曰鷄尾一名鳥注一名天根一名旄一名樹

天官書曰翼軫荊州
淮南子曰翼楚也

費直曰自張十三度至軫六度為鶉尾

蔡氏曰自翼十二度至軫六度為鶉尾之次

未央分野曰楚星得翼軫也今之南郡秦置江陵江陵即南郡所部縣即重見矣江夏漢高帝置零陵郡漢武帝置桂陽武陵二郡漢高帝置長沙郡秦為郡漢高改為國及江中秦置汝南漢高帝置皆楚之分也

周成王先師鬻熊之曾孫熊繹於荊蠻為楚子居丹陽後十餘世至熊通號武王侵以強大後五世有莊王并有江漢之間吞陳蔡縣中息服隨唐後十世有項王徙於東焉

楚世家曰鬻熊祝融之苗裔也姓畢氏丹陽今南郡之枝江縣是也武子文王都於郢今江陵是也莊王曾孫昭王為吳所破吳兵入野昭王奔隨是大夫申包胥求救於秦秦乃救楚初敗吳師闔廬弟夫差反吳自立為王闔廬班師昭王乃得反國更

都於郡南郡鄭縣是也屬荊州

又曰楚治南至九江北至淮水東至海西至魚腹

山今為淮陽汝陽廬江長沙南海故楚治南郢也

禹貢曰荊及衡陽惟荊州

周官曰止南曰荊州

十月所主國二

荊州占曰正月周二月徐三月荆四月鄭

五月晉六月衛七月秦八月宋

九月齊十月魯十一月越十二月燕

日辰占邦三

石氏曰甲為齊乙為東海司馬遷班固並以甲乙日

月不占

晉初注曰海外遠甲乙日時故不占之丙為楚丁為

南蠻司馬遷班固並以丙丁江淮海岱戊為魏一

云戊為韓司馬遷班固並以戊己為中州河濟也

己為韓一云己為魏庚為秦辛為西夷司馬遷班

固並以庚辛為華以西壬為燕司馬遷班固並以

壬趙淮南子壬為衛癸為北夷司馬遷班固並以

壬癸為常山北淮南子以癸為趙卯為鄭辰為晉
班固劉表韓楊並以辰為邯鄲一云辰為趙也
石氏曰子為周丑為翟一云丑魏翟梁寅為趙
淮南子曰荊州占並以寅為楚巳為衛午為秦未為
中山一曰宋申為齊一云申為晉魏
荊州占曰申為晉酉為魯戌為趙班固云戌為趙又
云戌為吳亥為燕

災變期應四

巫咸曰五星之合金星以金日木星以木日水星以
水日火星以火日土星以土日月期十二辰候其
災之變以其殺時甲乙日應在金丙丁日應在水
戊巳日應在木庚辛日應在火壬癸日應在土五
星皆同法也

歲星主木也日以甲乙熒惑主火也日以丙丁填
星主土也日以戊巳太白主金也日以庚辛辰星
主水也日以壬癸

二十八舍以十子故金應在火木應在金水應在
土火應在水土應在木故木期十二日十二月十

二歲

火期四十三日四十三月四十三歲

土期二十八日二十八月二十八歲

金期八日八月八歲

水期十日十月十歲

又曰五星守二十八舍左為春應右為秋應前為

夏應後為冬應其法隨氣所制前後

石氏曰凡位星行犯列舍前為春應後為秋應左為

冬應右為夏應假令春以冬為前西為後北為左

南為右夏以南為前北為後東為左西為右秋以

西為前東為後南為左北為右冬以北為前南為

後西為左東為右

宋均曰災祥見在正月則應七月

災祥見在二月應在八月

災祥見在三月應在九月

災祥見在四月應在十月

災祥見在五月應在十一月

災祥見在六月應在十二月

災祥見在七月則應在則應在來年正月

災祥見在八月則應在來年二月

災祥見在九月則應在來年三月

災祥見在十月則應在來年四月

災祥見在十一月則應在來年五月

災祥見在十二月則應在來年六月

荊州占曰甲乙日有變期百二十日丙丁日有變期

八十月戊己日有變期六十日庚辛日有變期四

十日壬癸日有變期二十日

論曰順逆遲留畧五

巫咸曰五星之行東行為順西行為逆

韓公賓注靈憲曰當東反西則逆

石氏曰日行五寸一尺為平行

日行一寸二寸為遲

甘氏曰逆日遲

韓公賓注靈憲曰五星之行近日則遲

石氏曰日行一度為疾

韓公賓曰五星之行遠日則速

石氏曰未應去而去為出未當來而來為入
甘氏曰同形為入

日月五星與宿星同舍為合

石氏曰芒角相及同光為合

巫氏曰諸星精相皆為合

荊州占曰相去一尺內為合

孟康曰合同舍也

石氏曰星光耀相逮為會

郝萌曰留三日為會

孟康曰舍宿也入宿度為舍

甘氏曰共行在一宿為舍

石氏曰行度所居為舍

甘氏曰宿者入此宿為宿

石氏曰留二十日以上為宿宿猶守也

甘氏曰行所當至過二十一日色潤澤為居

石氏曰以度至而不去為居

郝萌曰住不移為留

石氏曰不東不西為留

石氏曰居之不去為守

甘氏曰徘徊不去其度為守

文曜均曰留不去為守

郝萌曰二十日以上為守 東西正當為中

甘氏曰在上而下為乘

石氏曰五星入度經過宿星光耀犯之為犯

郝萌曰五星所犯木火土水同度去之七寸為犯太

白一尺以內為犯

韋昭曰自下往觸之為犯

甘氏曰未當入度經入為侵

甘氏曰在下犯上為陵凌

石氏曰在上犯者曰凌

郝萌曰星圍宿周迴一匝為環

星圍宿不周曰繞

石氏曰東西為勾

甘氏曰去而復還為勾

郝萌曰星行如勾為勾

石氏曰南北為已

甘氏曰再勾為已

郝萌曰星行如已字為已

石氏曰西入東出為貫

甘氏曰在下相侵為貫 在傍為刺

郝萌曰直至為抵 星相觸而止為觸

甘氏曰相切為磨

石氏曰相至為磨

甘氏曰去之寸為磨 星相滅為抵

巫氏曰兩體相着為薄

甘氏曰不於海朔者為薄 雖非日月同宿陰氣陰奄

者為薄 日光也

石氏曰不交而食曰薄

帝覽嬉曰赤黃無光為薄

孟康曰日月無光曰薄

京房曰日月赤黃為薄

韋昭曰氣往迫之為薄

石氏曰相凌為閉

甘氏曰倚視離而復合合而復離為閉

韋昭曰握相擊為閉合合亦擊也
郝萌曰邊侵為食

京氏曰相侵之食日體三毀三復得異處是為相侵
食也三分日取一也

韋昭曰虧毀曰食

石氏曰光五寸以內為芒

巫氏曰光一尺以內為角歲星七寸上以謂之角

郝萌曰色非其常為變

又曰光耀搖艷為動

甘氏曰潤澤和順為喜

石氏曰五星光芒隆謂之怒

郝萌曰壯大色強為怒

石氏曰超舍而前謂之羸

七曜曰超舍而前過其所當舍之宿以上一舍二舍

三舍謂之羸

易萌氣樞曰大進曰羸

班固曰出為羸

石氏曰退舍而復為縮

班固曰晚出為縮

甘氏曰相近為就聚

甘氏曰相遠為離徙

石氏曰星月相近俱陰明為同光

巫氏曰凡五星入月中星不見為月食星星見為星

食月

大唐開元占經卷第六十四終

大唐開元占經卷第六十五

石氏中官占上一

攝提占一

石氏曰攝提六星夾大角八角八度少去北極五十

九度半在黃道內三十二度太一名環樞一名天

樞一名闕丘一名致法一名天老一名天鉄一名

天獄一名天楯一名天武一名天兵星東西三三

而居形似鼎足常東向天子吉昌若北向即大人

失位聖人更制天下有事期三十日兵馬復三十

兵罷攝提北向白格而治十日而令出其反故佐
十日而兵罷

天官書曰攝提者直斗杓所指以建時故曰攝提格
巫氏曰攝提三星如鼎足左右角西南向主易姓
樂緯叶圖徵曰攝提為楯以其夾捧常席也

合誠圖曰攝提主九卿

洛書曰攝提移政更推也

覽曰仁道不行攝提失衡

禮緯含文嘉曰王者敬師長有尊則攝提如列無則

反拆

宋均曰師者所以教人為君也長者所以教人為長
也大角為帝席攝提六星携紀綱以輔大角師長
象也如列者如鼎足俱東向

春秋緯曰攝提丰携角以接下化而東向令乖行則
天下更紀王者臧

授神契曰攝提運度主接靈

石氏曰攝提色欲黃而潤澤温温不明天下安明大
者三公恣天子弱鎔戲用

文曜鈞曰代提天下更紀世有名師

宋均曰主德不一則攝提代移更紀授有令名為天

下師表者也

元命包曰攝提反衡天下大亂易姓興

宋均曰反衡謂不東向也

春秋緯曰攝提移向北王者以過見滅攝提流罔大

夫僭差

焦延壽曰攝提星近大角若不居其故近威有謀賊

王者

石氏讚曰攝提六星携紀綱建時立節伺機祥

大角占二

石氏曰大角一星在左右攝提間入亢二度半去極

五十八度在黃道內三十四度少一名格一名漢

星

詩緯曰大角一曰帝筵成統理

紀曆書樞曰大角為天棟正紀綱一曰大角為火以

其赤明也

春秋緯曰大角為坐候一曰大角為帝席以布神厚

德

又曰大角者天王帝筵也

甘氏曰大角者棟星也其星光澤明大揚芒奮角強
臣伏誅天下安寧其光芒之所指兵隨其所從往
者則吉

石氏曰大角天幢也明則天子威行雖罪級曰棟星
亡不言王失號

尚書曰棟星亡罪深重誅
春秋緯曰大角不見蒼帝失勢

含文嘉曰王者敬諸父有差則大角光明以揚

宋均曰諸父伯仲叔季也角堅剛而居帝前帝敬諸
父感天故應之也

鈞命央曰赤威瓦棟星去
論讖曰棟星亡主曠之

石氏曰大角貴人象也主帝座光潤明大則吉光不
明者若有他色青憂赤兵黑疾白喪

大角不明王者失天心強臣凌主天下有憂秦之
亡也攝提不動而大角亡去

焦延壽曰大角星角起揚光若近天帝有左右有以
帝荐害主者

郝萌曰大角变色有芒角大動不出三月兵大起

大角數動人主好遊不居其宮馳騁天下

晉楊秋曰孝武太元二年七月乙亥大角搖動至三
年二月乙巳作新宮帝及二后移會稽

大角不明則天子耗衰

棟星明大天子輔強

荊州曰棟星亡王者死

韓揚曰大角動搖主不安臣下有惡事劫主者

宋天文志曰安帝隆安五年七月癸亥大角星散搖
五色元興二年桓玄篡位遷帝尋陽

石氏譜曰大角帝度色欲明光陸潤澤德合同

梗河占三

石氏曰梗河三星大角北西星入亢八度去極三十
八度在黃道內四十九度

郝萌曰天予者天子之兵也

黃帝占曰梗河三星天鋒也天之劔戟主於罰戮其

星如常明而不動邊寇寧天下安星若明大芒角
搖動邊夷兵起胡人為亂王者有憂

荆州占曰梗河天箱晋灼曰名天蠡玄戈天矛也相
近相向兵大起不相近相向大安

石氏曰梗河三星天矛也梗者遞也河者擔也士卒
更遞擔持天矛以行也在斗杓頭主殺戮所向無
前也主邊夷胡兵若星芒角大則胡為寇亂胡兵
大起

黃帝占曰梗河主喪陰十日不見國有喪事以初不

見日占之男女梗河末男本女天不陰梗河亡不
見視二十八宿星羸縮若在北斗傍所見之宿其
國若諸疾有喪

石氏曰梗河亡三日不見國有謀兵若諸疾有死者
七日不見國有大喪以其初不見之日以占其國
梗河天矛也亡不見即有所藏所藏之國宿下有
謀兵不然有喪求於二十八宿若斗則吳之分野
以見之日知其期

荆州占曰天矛星不欲明大明大兵起

石氏曰梗河三星天矛鋒也

招搖占四

石氏曰招搖一星梗河北入氐二度半去極四十度
太在黃道內五十七度強

黃帝占曰招搖尚羊也

吳龍共天官星占曰常陽尚羊者懸以匡也一名
矛楯胡星也與梗河玄戈列從北斗栢端抵大角
近北斗者玄戈次曰招搖星明大赤角而動胡兵
大起四夷主昌中國亡又曰其俱明胡利

黃帝占曰招搖為矛楯提大楯相當兵大起大戰

春秋緯曰斗端有兩星一內為招搖一外為楯天鋒
主兵角若動兵大行

荊州占曰招搖南夷也

巫氏曰矛楯兵星金官也

黃帝占曰招搖欲與梗河棟星相直則胡人常來受
命貢敵於中國不相直則胡人叛戾招搖星明而
不正胡國不來受命斗床之星招搖之間名為天
庫招搖離其處名曰開庫兵發

招搖星欲明而微小則王者威令行四夷

春秋緯曰矛楯動兵四行臣子謀妄奸通弑君弑父

九州振動

春秋緯曰楯動搖若角有大兵起天下弑主害以中

發四方並興王者德行納賢正度

又曰臣主爭伐相誅則矛楯角躍相杆

焦延壽曰招搖士店國兵起主遇賊

天官書曰招搖星赤角胡兵大起不來受令其星大

亦然

荆州占曰招搖奮光明動天子強

招搖色青有憂赤白而明者天子有怒黃白光澤

天下安靜其小而黑者軍破國亡

又曰招搖色黑為弱

荆州曰矛楯動近臣恣庶雄謀

石氏讚曰招搖玄戈主胡兵若芒角變動兵革行

玄戈占五

石氏曰玄戈一星在招搖北入氏一度去極三十二

度半在黃道內五十三度半

黃帝占曰玄戈主北夷玄戈招搖雌也其星欲小徵
小徵則王者吉天下安寧其星明而大則胡夷單
于動兵大起

甘氏曰玄戈主胡兵星若小動兵小動大動兵大起
胡人入境

樂緯曰玄戈宮也戊子候之宮亂則荒其君驕不聽
誅倭在側宮和則致鳳凰頌声作

荊州曰玄戈小數動後而大動則兵大起

石氏曰玄戈星赤天下有兵

天槍占六

石氏曰天槍三星在北斗杓東西星入氐太去極二
十八度太在黃道內七十一度

黃帝占曰天槍一名天鉞三星鼎足形在北斗柄端
其狀忽然不明明大則鉞斧用一曰有兵小不明
則兵罷

石氏曰天槍三星主帝伏兵

槍者今之鎗也以竹為之銳其頭以搖地鋒外向
以槍入星温而不明則王者吉其星明大則兵起

斧鑕用

石氏曰左槍右楛天之武備也攻城襲邑當視槍星大而明者有叛而自歸者其國不可出兵星小而明兵可出城可襲

荆州占曰天槍一星不兵所見而兵起

天槍星動搖若角大兵起天下戡主害以中發天槍揚光天降兵喪

石氏讚曰槍楛八星備非常

天楛占七

石氏曰天楛蘇亦曰打楛之楛五星在女牀東北柄星入箕八度半去極三十二度在黃道內七十一度

郝萌曰天楛者先驅也

石氏曰天楛五星天之武備也楛者大收所以打賊也皆所以禁暴橫備不虞

黃帝占曰天楛五星天之武備也以防不虞其星不明而靜則天下無兵其星明大搖動則兵大起五伏用

石氏曰天棊一星不見其國兵起

郝萌曰天棊星微細則吉變明則凶有憂

荊州占曰天棊一星不見天下有大兵

女林占八

石氏曰女林三星在天紀北西星入箕一度去極五

十度在黃內五十六度

女林後宮御也衆妾所居宮也侍皇后隨從以時

御見者

黃帝占曰女林星後宮御也嬪妾所居宮也其星欲

明大相小承如其故則后妃安宮人吉星若微小

不明非其常處嬪妾不安其宮有憂

郝萌曰女林者主女藏

石氏曰女林星不明則吉明則宮女恣

女林星動不吉

焦延壽曰女林星舒妾代女主不乃死

荊州占曰女林星無故不見女子多疾

韓揚曰女林非其故則后宮有憂

石氏曰女林主女事行列微清則吉明亂動者不吉

石氏讚曰女林三星恃後宮

七公占九

石氏曰七公七星在招搖東西星入氐四度半去極

三十九度少在黃道內五十九度半強

黃帝占曰七公一名天紀七公主議疑天之輔相七
政之象評議之臣也其星大而齊明議人有忠王
者安其星大小有差微而不明議者不同決事不
從人主有憂

石氏曰七公天之象也三公廷尉之象也上星上公

也次星中公也明則七輔強

海中占曰七公七輔也上星上公次星次公下星下

公各以其次第齊明輔臣居其常職其星不明者
各依其次輔臣有黜若有罪期不出年

郝萌曰七公主七政別善惡

石氏曰七公主議疑天之相理謂三公左輔右弼前
疑后承之官評議疑獄斷折刑法欲詳審也星大
小不明議事者不從也

石氏讚曰七公七星議欲詳

貫索占十

石氏曰貫索九星

天官書曰勾園一十五星屬杓曰賊人之牢案貫索為賊人之牢止有九星未詳遷所一十五星所以在七公前上右星入尾半度去極五十九度少在黃道內三十七度在七公前

黃帝占曰天牢者賊人之牢也天下獄律也一名連索一名天受一名天圍

論讖曰貫索主天牢

郝萌曰貫索為逆獄之法律也天牢主天子之疾病之憂患

春秋緯曰貫索賤人之牢牢中星實則囚多虛則開出

石氏曰貫索北開名曰牢戶其星間濶其戶開必有赦若星狹而不開牢中有憂貴人當之

黃帝占曰帝以四時候天牢其口星開彼天下赦不赦逆人主憂開市不利

黃帝占曰天牢中央大星牢監也左右從倚不居其

處若不見大赦期十八日

天牢中常有繫星三以甲子丙子戊子庚子壬子
暮視之其一星去有善事其二星去有賜會爵祿
之事其三星盡去人主德令赦天下甲子期八十
一日丙子期七十二日戊子期六十日庚子期八
十日壬子期六十二日而赦

黃帝曰天牢中星不欲衆衆則囚多其中星稀則囚
少其中無星天下無罪人其國安
連索直而抵織女天下有急布帛之徵

石氏曰貫索入漢中人相食兵起

天牢口所向開門者兵所往期六月

焦延壽曰貫索星戶開左右星入牢中有貴人自索
守者不復必凶兵死

郝萌曰天牢直若角赦以五未候之

天牢傍有此星以至開閉天牢已開天下大赦此
星閉而有赦為逆此星以開而不赦為不復順天
牢空更立元年不行德令天雨沙石期三年
天官書曰赤帝行德天牢為之空

荆州占曰天牢中多星則多繫囚九星天下獄煩八
星有姦人七星小赦六星五星大赦天牢斧鑕動
搖非其故斧鑕用

石氏讚曰貫索九星禁暴橫

天紀占十一

石氏曰天紀九星在貫索東四星入尾五度去極五
十一度半在黃道內五十六度太

黃帝曰天紀天緯也主正理完訟星齊明王法正直
無有偏黨天下綱紀

論讖曰天紀星以表九州定圖位

天紀星主曆音律

黃帝曰天紀星敗紀山崩易政有饑民君不安

石氏曰天紀絕天下大亂主凶

天紀星明天下多詞訟者亡則政理壞

焦延壽曰天紀星與女林合王者妻姑婭以淫亡若

以女謁失位

郝萌曰天紀星入漢中人相食

班固天文志曰天紀星散者山崩不則有喪

荆州占曰天紀星散絕不山崩則主死
又曰天紀星施散則國綱紀亂

石氏譜曰天紀九星理怨訟

織女占十二

石氏曰織女三星在天紀東端大星入斗十一度去
極五十二度在黃道內六十三度太

郝萌曰織女一名東橋

荆州占曰織女一名天女天子之女也在牽牛西北
命鼎足居星足常向牽牛扶筐牽牛扶筐星亦常向

織女之足不如其故布帛倍其價若有喪

班固天文志曰織女杜預曰星占之織女處女也又

天孫女也按織女七夕有渡河之期似非處女之
稱也

石氏曰織女主經緯係帛之事大星皇聖之母二小
星者太子庶子之位也三星俱明天下和平

詩記歷書樞曰織女內正紀綱

合誠圖曰織女天女也主瓜菓收藏珍寶以保神明
成衣左紀故齊制此文禱應天道

大德堂
巫氏曰織女天之水官也

郝萌曰織女大長秋也

黃帝曰織女主絲綿五綵之府大星後兩小星太子之位三星齊明天下和平絲綿綵帛賤星若不明主后有憂絲綿繒帛貴

織女人星也怒而角者布帛貴

黃帝曰織女一星亡兵起女子為侈織女不居其處若更天下以女為憂

石氏曰織女之道與貫索相直布帛賤不相直天下

有急布帛貴

織女主絲帛之事與扶筐為妃其足常向扶筐即吉不則絲帛有變其一足亡也女病或曰兵起

焦延壽曰織女星入漢婦人皆水行后亦然

郝萌曰織女晨見東方赤精明女工善不精明女工惡常以十月朔六七日視之

郝萌曰織女星非故小搖地動若牛度

陳卓曰王者至孝神祇咸喜則織女三星俱明天下

和平

石氏讚曰織女三星保神明收藏珍室以奉王者

天市垣占十三

石氏曰天市垣二十二星

張衡彈儀曰天市二十二星帝座前有一耳在房

心東北門右星入尾太去極九十四度少在黃道

內一度少

郝萌曰天市垣星一名天府一名長城

巫咸曰天市五帝之治水官也

郝萌曰天市者天子之市也

詩緯曰天市主聚衆也

春秋緯曰天市主權衡

荊州占曰天市西北大星南方相去三尺所謂名曰

天曹

石氏曰市者四方所樂帝都之邦主王之坐故帝座
在市中聖主之明侯也

郝萌曰天市之垣主天子旗幟也欲其大而明明則

糴賤

石氏曰天市垣二十二星主四方邊國門左星宋也

次星衛次星燕次星東海次星徐次星太山次星
齊次星河中次星九河次星趙次星魏次星中山
次星河間市門右一星韓次星楚次星梁次星巴
次星蜀次星秦次星周次星鄭次星晉也其星光
芒即其国有謀也若星色微小其国邑弱王者修
德以扶之

黃帝曰天市垣星不明市中星簡其歲虛五穀傷糴
大貴人民饑

天市中星次其明潤澤衆蕃可以積貯市中星不

明市少可以發出貯礼

禮緯含文嘉曰王者於族人有次序則天市正明

宋均注曰王者於親族有次第族者非一人也天市

之應明所感多

石氏曰天市星明則市吏急商人無利其星微小則

吏弱商人多利

天市中星衆明則歲實星稀則歲不實為虛也

郝萌曰天市星明大則糴賤不明則糴貴

天市中多小星民富足

石氏譜曰天市二十二星為外臣

帝座占十四

石氏曰帝座一星在市中候四星入尾十五度半去極七十一度少在黃道內三十九度

黃帝占曰帝座天庭也人主象也

石氏曰帝座天位也又帝座天之貴神也執陰陽之

銳秉殺生之府總萬厚保存亡之機和陰陽之氣

應四時之分

帝座星色欲明光而潤澤則天子吉威令行微小

則凶星亡則王者有憂大人當之天下亂有兵起

期二年

石氏譜曰帝座一星尊時而行

候星占十五

石氏曰候一星帝座東入箕二度半去極七十三度

太在黃道內三十八度少

巫咸曰候星土官也

石氏曰候星以候陰陽司遠國狄以知謀微

候星主時變貨財安靜吉候星萬國同風王道通

利輔臣強也微小不明則王道不明王道不通輔
臣弱星移主不安期不出年若星亡主失位期不
出年

荆州曰候星明大則四夷開候星微細則國安

石氏讚曰候星在東司陰陽

宦者占十六

石氏曰宦者四星在帝座西南星入尾十二度去極
七十二度半在黃道內三十八度
宦者星常侍黃門左右小臣侍從之官常侍市中

帝座也

宦者刑餘人在座西微吉明凶

郝萌曰宦者星非其常宦者官有憂宦者刑人也
有刑人于市

石氏讚曰宦者在西侍主傍

斗星占十七

石氏曰斗五星在宦者西南第一星入尾十度少去
極七十二度在黃道內二十五度

郝萌曰斗者主也署物散也其星明則吉不明凶若

其星七歲饑或其星仰則天下并解不平覆則歲
糧盛

又斗星不明五谷不成歲大饑人相食
石氏讚曰南有斗星主平量

宗正星占十八

石氏曰宗正二星在帝座東南南星入箕二度去極
八十四度在黃道內二十七度半

宗正主宗人小宗之象也

黃帝曰宗正帝宗也主萬物之名品類於市其星非

其故處帝宗后族多有黜者若多死

石氏曰宗者主也正者政也主政萬物之名于市中
星非其故吏不去則死及更號令

宗星失色宗正有事

宗正星明大帝宗強大星不明帝宗弱也

石氏讚曰宗正二星宗大夫也

宗人星占十九

石氏曰宗人四星在宗正東南星入箕七度半去極
八十五度在黃道二十八度

元命包曰宗人主先人以時祠享

石氏曰宗人主恩享大宗之象衰穆親親
含文嘉曰族人有序則宗人倚文正明

黃帝曰宗人星明如其故宗室有序人主吉昌若動
搖不如其常則宗人不和王者親屬有變事君宗
族貴人多死者

石氏曰宗人星離絕有大恠鳥見

石氏讚曰宗人四星錄親踈

宗星占二十

石氏曰宗星二星在宗人北南星入箕九度去極七
十九度在黃道內二十三度太

元命包曰宗星主先人祠享

石氏曰宗星主別親踈宗室之象也皆帝之輔血脉
之臣也

黃帝占曰宗星明而相近帝 相親后族有序其星
不明而相遠則帝親后族相簡若有謀者王者有

憂

石氏讚曰宗星二星恩不殊

東西二咸星占二十一

石氏曰東咸四星在房東北南星入心二度去極一百三度在黃道內二度少

西咸四星在房北

黃帝曰東西咸一名大名明在房東西各四星西列熒惑道也不道輒還之

石氏曰東咸西咸八星者房戶之扇

常為帝側之屏

以表障后宮以防奸私也

郝萌曰東西咸日月之道也日月五星不以道必有

賊或近鈞鈴則有賊

荊州占曰東西咸者房戶也星明如列表間天子吉

子孫蕃滋

石氏曰東西咸各四星在房之東北主日行色明吉

不明凶

海中占曰東咸西咸星明而行列王者威令行妃后

守其宮其星微小而不行列若亡不見人主威弱

女主自恣奢淫無度防守者憂若宮人有罪

一曰貴女有黜者

焦延壽曰東咸星上近鈞鈴十日則有讒賊臣人害

主者自欲家計無成於家思法言人欲非也

西咸星前近上若有角搖起明動十日有人以知

天數入為害者咸星動則凶凶王皆廢今言於咸

石氏讚曰東咸西咸防決滯

天江星占二十二至長二東北星廿四即言

石氏曰天江四星在尾北南星入尾六度以去極一

度百一十一度在黃道外二度半

黃帝曰天江星如常微小則陰陽和水旱調其星明

大天下大水江海溢流五穀不熟民人以水饑若

其星微若參差不齊馬貴一曰馬多死

石氏曰天江星中河而動則兵起如流沙死人如麻

大亂以人渡河如其星不見則津梁不通

又曰其星不欲明動搖則大水出沒城邑大道及

賈路不通

郝萌曰天江星不欲明河中而居河中者大兵起車

騎滿野道路不通

石氏曰天江四星主太陰其星明大水不禁

建星占二十三

石氏曰建星在南斗北西星入斗七度少去極一百
一十三度少在黃道內一度

黃帝曰建星天之都官也一名天旗一名天闕

巫氏曰建星土官也

郝萌曰建星為天都官為謀事為天鼓為天馬南二

星天庫也中央二星市也鉄鑽也上二星旗也為

天之府庭也斗建之間三光道也

海中占曰斗建者陰陽終始之門大政并平之所起

律曆之本源也

郝萌曰箕星與建星之間日月五星之下道也

詩雅度覽曰建星動勞未央

焦延壽曰建星一星不具若與斗合一月辟亡二星

合十日亡三星合三日亡病也

荊州占曰建星欲其相對列則天下安若不相類天

下亂人主憂

石氏曰建星明大則大臣忠孝帝承天心不明大小

不齊則王者失道忠臣不用

石氏讚曰建星六星為斗承之主國日月行失繩

天弁星占二十四

石氏曰天弁九星在建星北西星入斗六度太去極

九十度太在黃道內一十七度太

石氏曰天弁九星在天市垣外天下市官之長也主

市中列肆諸價人在市籍商賈賦稅遠方持物未

皆當責其租稅其星明大則市中物盛興其星不

明則萬物衰耗

黃帝占曰天弁星欲明大則天下安寧萬物興隆珠

玉珍物賤其星不明天下空虛萬物衰惡五穀不

成珍物貴

樂緯曰天弁星羽也王子候之羽亂則危其財遺百

姓枯竭為旱

石氏曰天弁星主恭儉明吉不明凶

焦延壽曰天弁星近建星若明大動搖天下有女樂

貴見人主為害者

石氏讚曰天弁九星知市珍其星明大萬物興

河鼓星占二十五

石氏曰河鼓三星旗九星在牽牛北大星入南斗二十一度太去極八十五度在黃道內二十八度太黃帝占曰河鼓一名天鼓一名三武一名三將軍也中央星大將軍也左星左將軍右星右將軍皆天子將也

郝萌曰河鼓一名提鼓一名天董一名天廐
巫氏曰河鼓金官也

天官書曰河鼓大星上將也

合誠圖曰河鼓備閑梁設難距鼓金聲無口以音聞

守遠知近達志意

郝萌曰河鼓星主軍鼓主斧鉞主外開州又主軍之喜怒

赫連圖曰河鼓恐黑命成矣

石氏曰河鼓旗揚而舒者大將出不可逆當隨旗之指擊之大勝

石氏曰河鼓其星明者則旂幟出以日占其國其星若戾將軍政亂士卒強將相凌若旗星不正有兵

黃帝曰河鼓星曲失計奪勢

石氏曰河鼓不正若變色皆為兵憂將免

其星動若怒皆為兵馬或將出

又曰河鼓欲正直而明大黃潤光澤則無兵將吉

又曰三武易次主兵起

郝萌曰天鼓之星怒者馬貴一名元鼓

石氏曰讚河鼓鼓旗建音聲設守險阻知謀微旗星

差戾亂相凌

離珠星占二十六

石氏曰離珠五星在須女北北星入須女初去極九

十四度在黃道內二十度

郝萌曰離珠女子之星也

石氏曰離珠星者御後宮離柱衣也環珮玉珠后夫

人之盛飭也主進王后之衣服也

黃帝曰離珠星明如其常則宮人妃后安其星不明

微弱易處則后宮人不安

石氏曰離珠非其故則後宮亂徙居危之陽大旱居

危之陰大水五穀不登其星明大則后宮昌失色

不明則后勢任子不顯所近不正

石氏譜曰離珠五星御後宮

匏瓜星占二十七

石氏曰匏瓜星五星在離珠北西星入須女少去極

七十一度半在黃道內三十三度

黃帝占曰匏瓜一名天鳥一名天雞其四星鉅鐘之
形其星明大如其故則果物皆實歲豐熟星若不
明非其常果物皆惡歲不登收有大水川道津梁
不通

石氏曰匏瓜者一名天匏一名天雞匏瓜大則歲熟

星微則歲惡

黃帝曰匏瓜星主后宮匏瓜天雞也主司中所以和

五味

元命包曰匏瓜主陰謀

郝萌曰天子果園為獻食者

星官訓曰匏瓜大瓜也其性內有文明而有子美盡

在內

黃帝曰匏瓜星明則野瓜甘露生庖厨后宮官多子

孫星不明后失勢

又其星非其故則山搖

石氏曰匏瓜非其故則山谷多水天下不通

焦延壽曰匏瓜星不見若不止動搖皆為有賊人主

者若以果實為敗

石氏讚曰匏瓜五星司謀忠

天津星占二十八

石氏曰天津九星在須女北河中西北星入斗二度

去極四十九度在黃道內四十九度少

黃帝占曰天津者一名天潢一名潢中一名巨漢一

名江星一名水王柱一名格星一名潢星一名天

潢天津有潢四星在危之北居漢

郝萌曰天潢者天津也一名天潢

元命包曰天潢主河梁所以度神通四方也

又曰天潢一星天子都船也

黃帝占曰天津有變水賊稱王水道不通

石氏曰天津處河溢天津覆水滔天天津亡河水為

害天下不通

石氏曰天津七津道不通天津張天下安

郝萌曰天潢星不具天下津河開道絕不通

石氏讚曰天津九星通厄窮

騰蛇星占二十九

石氏曰騰蛇二十二星在營室北喙星入營室一度

半去極五十一度在黃道內五十三度少

曰騰蛇天蛇也主水虫又騰蛇蛇之牡也與龜鱉

交水虫之長也水中之虫皆屬騰蛇

黃帝曰騰蛇星明水虫茂魚鹽賤星不明則水虫衰

耗魚鹽貴

石氏曰騰蛇星移南則軍兵起移北則大水

石氏讚曰騰蛇之星主水虫若星明不安微則安

王良星占三十

石氏曰王良五星在奎北居河中西星入壁半度去

極四十二度半在黃道內五十七度

郝萌曰王良一名天津一名天濟

荊州占曰王良為西橋或占車騎或占津梁且古字

通用故二字並依舊本

元命包曰天駟四星在漢中一名天駟傍一星王良

主天馬

郝萌曰王良一名天馬

黃帝占曰王良主御風而水道主河梁

河圖曰王良為天橋

巫咸曰王良天子道橋之渡水之官

郝萌曰王良者天子奉車

荊州曰王良為西橋故占車騎津梁

郝萌曰王良策馬前與馬等後與馬等

黃帝曰四馬參差不行列天下安若四馬齊行王良

舉策天子自臨兵國不安

黃帝曰王良發者河水出

河圖曰王良策馬此皆兵候聖雄並起期冲遠九年

天子之兵擾

考靈曜曰王良策馬狼狐張蝮蛆害出血將將

王良

傍一星名策馬謂有光芒也張猶明也蝮蛆大星

名也血將將兵起馬亂死傷以衆也

含文嘉曰天子乘舟得其所貴賤不相踰僭則王良

附路星明常在河中天子壽昌萬民無疫之殃
論識曰王良策馬野骨爆

石氏曰王良星移則有兵以東西南北處所在王良
星下其津河道不通

又曰王良策馬車騎滿野天下大乱兵大起明君
出期不出三年

海中占曰四馬不動天子安宮

焦延壽曰天駟星前與閣道相近有江河之變

郝萌曰王良正馬疾病

大王良與馬齊天子有疾及馬

荆州占曰王良與馬齊天下有急

郝萌曰王良向造父馬賤

赫連圖曰王良策馬北夷制號

宋均曰策星在王良傍若移在王良前居馬後是謂

策馬

石氏曰王良星常在漢中則吉不可移動移動則有

兵

又曰王良四馬動搖天子欲出小動小出大動大

出千里

四馬有芒角天子兵期二年王者必有所在惟意

有所想未發顏色王良星

石氏讚曰王良五星知王庄

大唐開元占經卷第六十五終

聖